



КОМСОМОЛОНЬ ВАЙГЯЛЬ

Сембе масторень про летарейти, пуромода марс!

ЛИСЕНДИ VIII-це КИЗОСЬ

ВЛКСМ-нь Мордовский
обкомть и Саранский
горкомть газетасна.

Адрессь: г. Саранск, Советская ул.,
Дом печати, телефон № 0—90.

Я Н В А Р Т Ъ
27-це ШИСТОНЗА
1940 КИЗОНЯ
11 № (1663)

ЛИСЕНДИ КОВТИ 12-ксть.

ВЛКСМ-нь ЦК-ть X пленумонц итогонзон коряс марса учителень активть и народнай образованиянь руководителхнень мархта Мордовский АССР-нь комсомольский активть собраниянц

ПОСТАНОВЛЕНИЯЦ

Кулхондомок и обсуиндамок ВЛКСМ-нь ЦК-ть X пленумонц итогонзон колга Толстых ялгать докладонц, Мордовиянь учителень активть и народнай образованиянь руководителхнень мархта республиканский активонь собраниясь марнек одобряет ВЛКСМ-нь ЦК-ть пленумонц решениянзон и веши сембе комсомольский организаци- ятнень и народнай образованиянь работникнень ширде эряфс синь йотафтомаснон.

ВЛКСМ-нь ЦК-ть решениянза, конат примафт партиань ЦК-ть инициативанц коряс, обязывают сембе комсомолть шарфтомс шаманц школать шири, ащихть эрь комсомольский организациати, эрь комсомолецти советский школать работанц цебарьгафтомаса дей- ствиянь боевой программас.

Собраниясь лувондсы, што начальнай и средняй школаса рабо- тань серьезнай аф сатыксне, конат отмеченнайхть ВЛКСМ-нь ЦК-ть X пленумонц постановленияса, мушендыхть васта Мордовиянь школатнень эсовок. Ня аф сатык- сне ащихть сянь эса, што Мор- довский республикань лама школа- ва учащайхнень пяк йолма успе- ваемостьсна, улихть аф дисципли- нированностьнень аф кирдемшка факт, ученикнень ширде учитель- ненди аф правильнай отноше- ниянь, урокнени и учебнай зада- ниятнени аф внимательнай отно- шениянь факт. „Азф аф сатыкс- не ащихть результатокс сянди, што комсомольский организациа- те ашезь шарьхкоде сянь, што школась ащи комсомолть работа- са важнейшай участкас“. (ВЛКСМ-нь ЦК-ть X пленумонц постановленияста).

Собраниясь обязывает „комсо- мольский организациатнень и синь руководителснон машфтомс шко- ласа комсомолть работаса недоо- ценкаты, кода сембе комсомолть работаса сембодонга оцю аф са- тыхть“, маластонь пингть мар- нек цебарьгафтомс школьный ком- сомольский организациатнень и пионерский отрягтнень деятель- ностьснон, организовандамс уча- щайхнень досугснон, цебарьгаф- томс внешкольный работать, мя- ляфтомок, што „ВЛКСМ-нь ЦК-сь кармайт судить эрь комсомольский организациат работань результа- тонзон колга васендакиге сянь коряс, кода ладяф школаса дис- циплинась и тонафнемась“.

Активонь собраниясь веши ВЛКСМ-нь горкомтнень, райкомт-

нень и первичнай организациа- тнень ширде марнек цебарьгафтомс работать учительствать мархта. Привить ученикти эсь учителенц- ты кельгома, кружамс учитель- ствать вниманьяса и заботаса, ти- емс условият общеобразователь- най, политический и культурнай уровеньон касфтомаснонды—вов мезе эряви ти емс комсомолть ширде учительствати.

Собраниясь веши сембе комсо- мольский руководителхнень шир- де машфтомс шабловть и форма- лизмать пионерский организаци- ять лангса руководства. Кемок- стамс пионерхнень йоткса работа- ма инициативнай, образованнай вожатайхть, лездомок тейст заочна тонафнемать и семинархнень вель- де касфнемс синь идейно-полити- ческий и общеобразовательнай уровеньон.

1940-це кизоня идень творчест- вать Всесоюзнай олимпиадаты йо- тафтоманц колга ВЛКСМ-нь ЦК-ть X пленумонц решениянц ащиминь странаньконь эряфсонза оцю со- бытиякс, олимпиадасы няфтысь со- ветский культураты касоманц.

Собраниясь обязывает ВЛКСМ-нь горкомтнень, райкомтнень и пер- вичнай организациатнень вишко- птемс Москву ошса Всесоюзнай олимпиадасы участиянь праваты инкса школатнень и учащайхнень йоткса социалистический соревно- ваниянь.

Собраниясь тернесыне писа- тельхнень, артистнень, наукань, техникань и искусствань и иля ра- ботникнень лездомс школатнени идень творчествать организован- дамаса.

Собраниясь поручает ВЛКСМ-нь обкомти путомс МордГИЗ-ть ин- голи кизефкс МордГИЗ-ть видеса идень литературань отделонь ор- ганизовандамать колга.

Школань уставсь, конанц одоб- рил ВЛКСМ-нь ЦК-ть пленумонц, а тяфтажа „Юнай пионерхнень поведенияснон колга правилатне“, конатнень кемокстазень пленумс, кармайхть ащема важнейшай ору- диякс школаса дисциплинать ке- мокстамаса и сембе работать це- барьгафтомаса.

Собраниясь веши сембе комсо- молецнень ширде и тернесыне на- роднай образованиянь оргаттнень и Мордовиянь сембе учительхнень большевикокс пяшкodemс ВЛКСМ-нь ЦК-ть X пленумонц решениянзон.

ВЛКСМ-нь Мордовский обкомть секретарец—СОЛОВЬЕВ.



СНИМКАСА: В. И. Ленинть портретоц.
П. Васильев художникть роботац.

(ТАСС-ть фото-клишен).

РККА-ть 22 кизонзонды подаркат

Оцю мяль шарфни Од Высел- кань средняй школаса комсомоль- ский организациась оборонно-физ- культурнай работать ширес. Тя тева оцю лезкс максси комсо- мольский организациати биологи- янь преподавательсь, сире педа- гогсь Кузьма Петрович Рогачев ялгась. Сонь инициативанц коряс первичнай комсомольский органи- зациась аф кунара пуроптсь

ГСО-нь кружок, коса тонафнихть 25 ученик. Рогачев ялгась, тя кружокса кода руководитель, сявсь обязательствата РККА-ть 22-це ки- зонзонды анокламс нят ялгатнень ГСО-нь значокти нормань максо- мати.

Лобурев,
Козеев.

Зубово-Полянский район.

Самодетельность касы

Шямонь велень аф полнай сред- няй школаса тонафнема кизоть васенце полугодиянц пингста ульсь организовандаф драматический кружок, конань работаса уче- никне и преподавательский кол- лективсь примосихть пяк активнай участия.

Кружоконь руководитель Уте- шева ялгать цебарь руководством вельде кружоксь няфни работань образецт. Аф кунара ульсь путф спектакль, конань ваношь пяк оцю интереса сембе колхозникне.

Н. Никитин.

Ковылкинский район.

Пионерхнень обязательствасна

Од Выселка велень средняй школань пионерхне Кочаев Гри- шась, Бучкова Нинась, Беляев Егорсь и лиятне тонафнема ки- зоть васенце полугодиянц аделаь отличнай оценкаса.

Тяни эсь лангозост сявсть пио- нерский обязательстват, штоба

тонафнема кизоть омбоце полуго- диянц аделаьс тяфта жа достой- найста. Эсь обязательстваснон пашкодemasнон инкса синь тю- рихть пяк оцю энергияса.

В. Обшев.

Зубово-Полянский район.

Ленинградский Военный Округть штабонц оперативнай сводкац

Январть 25-це шистонза шиньберьф фронтса мезевок существен- най ашель.

(ТАСС).



А. С. Пушкинън лемса изобразительнай искусствань музейса (Москуса) панжевсь выставка, конач лемтьф Игорь Грабарь художникъ творческой деятельности 50 кизонь топодеманты.
СНИМКАСА: И. Грабарь картинаста „Холак-кѣстьятне“ В. И. Ленинън ширеса приемсотъ репродукциясь.
Фотось Г. Широковъ, (ТАСС-ть фото-клишец).

ТОНАФНЕСАЗЬ ВЛКСМ-нь ЦК-ть ПЛЕНУМОНЦ РЕШЕНИЯЗЭН

ВЛКСМ-нь Ковылкинский райкомсь кедиста ознакамливает комсомолечень ВЛКСМ-нь ЦК-ть X пленумонц материалонзон мархта. Питай сембе школьной комсомольский организациятнень эзга пленумть материалонзон тонафнемаснон коряс йотафтфт открытай комсомольский собраният.

Оцю идейно-политический уровеньца йотась ВЛКСМ-нь ЦК-ть X пленумонц итогонзон колга комсомольский собраниясь Ежка велень школьной комсомольский организациясь. Собраниясь няфтезе, што тятса комсомольский организациясь ширеса ашесь школать учебно-производственной деятельности эзда. Тянь сюнеда школаса успеваемость валгсь мянь 65,9 процентс. Комсомольский организациясь ашезь организованда лезкс кальдявста тонафни ученикнendi. Учителхнendi лезксть, пионерский работать первичнай комсомольский организациясь тяфта жа лувондозе второстепеннайкс.

Кой-кона комсомолечне, кода Маркин Семен, Гуреев Федор, сянь вастс, штоба няфтемс лац тонафнемаса кепотыкс сембе ученикнendi, синцень ветада ламонь кальдяв отметкасна.

Собраниясь лифтезь, што старшай пионервожатайсь-учительница Комолятова ялгась пионерский сборса интереснай, живой беседатнень вастс, тиендельгазетнай статьянь монотоннайста и скучнайста лувондомат. Пионерский организациять, атяфтаи комсомольский организациять работань планцон колга школань директорсь мезевок ашезь содсе.

Ежкань школаса тяфтажа кальдявста ладяф кружковой работась. Пионервожатайхне Баранова и Комолятова ялгатне кружковой работать лангс ванондсть пренебрежительна. Кружковой работа школаса ашель. Баранова ялгась лувондозе тя тевть эсь личной „достоинстванзонды“ унижениякс. Комсомольский собраниясь кемоста критиковандазь Баранова и Комолятова ялгатнень. Собраниясь осудил Барановат пионерский, особенна кружковой работати пренебрежительнай отношениянц и указал, што кда нинге кармайтх лисендема Баранова ялгать ширде тяфтама али нятнendi кондыа мильхть, то сонь мархтонза улихть примафт сяда решительнай мерат.

И. Трemasкин.

Ковылкинский район.

Комсомолечне эсь долгснон аф пашкотыкшнесазь

Сире Теризморга велеса аф грамотнайда и малограмотнайда лувондови аф кржа, но синь йоткост аф грамотность и малограмотность машфтомаснон инкса нинге кодамовок работа аф вятевы.

РОНО-сь взрослай ломанень школатнendi работам кучсь Курков Ф. и Рыжов М. комсомолечнень, но тя важнейшай тевть пашкодемаса нят ялгатне эсь задачаснон аф пашкотыкшнесазь.

Пинге ни шарьхкодемс, што тя важнейшай тевть цебарьста организовандаманц и йотафтоманц инкса велень партийно-комсомольский и советский организациятне кандыхть полной ответственность.

Н. Кадеров.

Сире Шайговань район.

Комсомольский организациять аф сатыксонза

Аф кунара ВЛКСМ-нь Мельцанский райкомсь эсь бюросонза кулхондозе Вертелимский НСШ-нь комсомольский организациять секретаренц Прекин ялгать отчетонц. Отчетть эзда няевсь, што комсомольский организациясь пяк кальдявста тюри школаса успеваемость и посещаемость касфтоманц инкса.

Тонафнема кизотъ васень полугодияста школаса комсомолечнень успеваемостьсна 30 процент. Комсомолечнень Галшинокть, Горбуновть и лиятнень васень полугодият пингста 2—3-нь кальдяв отметкасна.

Ня фактне корхтайхть сянь

колга, што тяддень тонафнема кизотъ школаса аф мольфтеви социалистический соревнованиясь, ученикне ашесь кемокне эсь йотковаст социалистический соревнованиянь договорхт, школаса пяк кальдяв дисциплинаське. Тянь колга комсомольский организациясь вестыке ашезь путне кизефкс эсь собраниясонза.

ВЛКСМ-нь райкомсь эсь решениясонза обязал комсомольский организациянь сембе секретарьхнень, штоба маластонь пингть ладямс эсь работаснон ВЛКСМ-нь ЦК-ть X пленумонц решениянзон коряс.

П. Моряков.

Мельцанский район.

1940 кизоня Всесоюзнай сельскохозяйственной выставкав анокламать молеманц колга

Мордовский АССР-нь Народнай Комиссаронь Советть постановленияц

Кулхондомок трудящайн депутатонь Ичалковский райсоветонь исполкомть председателенц Каязкин ялгать, Рузаевский—Синицин ялгать, Ардаатовский—Бурмистров ялгать и Зубово-Полянский—Лосев ялгать докладснон 1940 кизоня Всесоюзнай сельскохозяйственной выставкав анокламать колга, Совнаркомсь лувондсы, што ня райоттнень эса председателхне ашесь макс политический значения тя серьезнай работати, конач мобилизовандакшнесыне колхозникнень 1940 кизоня оцю урожайнь получама, йофсикс кальдявста вятсь руководства ВСХВ-ти аноклама тевть лангса.

МАССР-нь Наркомземсь и Выставкомть аппаратот (Дементьева ялгась) тяфтажа аф сатомшка оперативна вятхть руководства выставкати аноклама тевть лангса.

МАССР-нь Совнаркомсь постановляет:

1. Обязать трудящайн депутатонь райсоветонь исполкомтнень председателснон лична возглавить выставкав участниконди кандидатонь кочкамаса работать и периодически проверахнемс районь заведующайхнень, МТС-нь директорхнень, трудящайн депутатонь велень советтнень и колхознень председателснон работаснон.

2. Обязать Наркомземть и Выставкомть аппаратснон цебарьгофтомс районь заведующайхнень, МТС-нь директорхнень работаснон лангса руководствать 1940 кизоня сельхозвыставкав аноклама тевса, курокона и сяда внимательнайста йотафнемс тя кизефкс коряс документациянь оформлять.

3. Обязать республиканский газетатнень редакторснон систематически няфнемс печать страницанзон эса 1940 кизоня ВСХВ-ти анокламаса районнай и республиканский организациятнень работаснон.

МАССР-нь Народнай Комиссаронь Советть председателец В. ВЕРЕНДЯКИН.

МАССР-нь СНК-ть управделоц К. НИКОНОВ.
И. Сафрыгин.

Саранск ош, МАССР.
1940 кизонь январь 21-це шистонза.



А. С. Пушкинън лемса Мордовский центральный библиотекас работай идень книгань отделения и читателень зал.
СНИМКАСА: 5-це № школаста 7-це классонь ученица Соня Галкина кочкай книга. Кержи ширеса библиотекарь С. Юдина.
Фотось А. Ивановъ.

Литературная страница

★ ★ ★

Ф. Дурнов

ЛИХТИБРЯ

Казьса И. А. Мос-
ковкити, красно-
армеец-ялгази.

Мельцек-мельцек путф сьмава
Шинек-венек лихтибрия
Шуди пандт ала, сонь ведец,
Марьгат, сенчт моли сиянь.
Путф сьматне сирет, шаржуфт,
Веднясь одна, таза пак:
Жольнязь прай сьматненъ песта,
Тии налхи шудерькска,
Конац пиже нарьян пачка
Марлю садт эзга чирнай,
Иэр шудтс панчф прьянц мархта
Вельксонза сонь суюконяй,
Бта тейнза спасибай.
Мес сон кельмофни унсканц,
Мес сон эше, летьке кожфка
Кажнайт ронгоняцты кандсь.
Садса марлють ала ляпе,
Ляпе уле тишеня.
Тишеня лангс книга мархта
Озаф стройнай од стирня.
Русай шьярензон кожфкась
Прафнесь йоню коняц лангс,
Ведняв ваны сельмеванфонц
Эса няевсь сетьме канькс.
Лядьсь сонь мялезонза сьоксень
Фка ноябрьскый илядсь,
Лядьсь сонь цебарь ялгац—ваймоц,
Мельденъ няемасна лядьсь.
Ушесь сетьмоль. Тяка вастса
Скомня лангса фка-фкянь ваксс
Нежетьфкаста корхнесь ламос,
Сяльде тейнза кяденц максь:
—Ну, коль тяфта, служак честна,
Йотай пингсь, ванац шутя.
Надьян, васеттяма тага,
Надьян, Саня...Тонь учтя.—
—„Тага кядьценъ!..Нолдак“...—
Саня

Вишкста Танянь шеенц перьф
Кяденц ашкодозе...Паласта...
Марлюсь вельксост прьянц
шерьфтсь.
—„Тят пель...Якстерь воинть
лемонц

Варе аруста кирдса,
Кда эряфозе максомс
Сави, соньге мон путса—
Жойнай садсь панчфонзон мархта,
Книганц панжезе стирнясь,
Инголенза сетьме горьфса
Ласьки ару шудерькскась.
Луви. Книгаса вов васта:
„Кельгоманы минь шинякс
Вечна палондома кармай,
Ули таза лихтибракс“.
Мельцек-мельцек путф сьмава
Лажназь кеворихть волнат,
И синь лангаст, марьгат, почетфт
Акша, пиндолды сят.

1940 к.

Западной Белоруссия.

Кизефкс

„Тушендыхть шитне,
Мельгаст—кизотне,
Тон аф сермадат:
Али сизеть ни?“
—Ашенъ сизе мон...
Сяс перазе прась,
Мес абижамань
Суюдоф кельгомась.
„Нинге сякокс тон
Имафтфть вешендт?
Каньксценъ сидистот
Фалу кяшендт?“
— Мон аф кяшендса—
Машфтомс йораса,
Штоба афоль лись
Олькси мораса,
Штоба од паваз
Вешемс сидити,
И веселай стихть
Каземс модазти.

1939 к.

ТОНЬ ЗАВЕТТНЕНЬ КОРЯС СЕМБЕ ЭРЯФСЬ ТИФ

(РУССКАЯ СКАЗКА)

Нят аф вармат вяхкихть якшамот,
Аф шуварт шудихть пак
казямот,—
Танга горясь пандокс кепотыкшн,
Кяжи равжа дучань кондыма.
Иондол мархта цырахман атамкс
Оцю горясь прась минь седизонк.
Равжа горясь тя аф кандомшка,
Кяжи даволти аф срафтомшка.
Шуди шуварт аф саламшка,
Равжа дучати аф вельхтамшка.
Сельмоведе шудихть
шудерьксоск.
Сельмоведе тон, лянйякс шудиди,
Вельфке пашкоди сенем морясь,
Крхка лянйхне лисихть
берягтост,
Кеме кевське пакшкянь лазови,
Ару золотась мянь памори!
Кда аралень мон яснай соколкс,
Кда аралень сизай гулянякс,
Али вишкста лии пзыгатакс,
Афольхть куле куркстон ризфу
валхт,
Сяпи сельмеветъ афолень прафне,
Эста тулень мон вишкста лисе,
Йофсикс Москуть велькс мон
лиелень,
Кремлянь стенати, кевста
марафти,
Мавзолейти мон эста валголень,
Эста б молелень мон Ленинти.
Тейнза марьголень: шиняй
валдоняй,
Кода сембось полафтсь эряфса.
Вона сатт панжихть—колхознайхть
синь,
Панжихть паксят ватт—
колхознайхть синь,
Шиста-шис тейнек эряфсь
валдоми!
Иденъке минь сембе тонафнихть,
Цьоранъке минь—соколхт
менельса,
Стирхне тракторхт водяхть
паксяса,
Семьяньке эряихть—паршинь
улиса.
И работась кядьсонк
спорайкстомсь,
Палы кельгомась минь седисонк
Гюремаценъ тонь, подвиженъ
инкса.

Инксонк работать тон апак
сизьсек,
Ашитъ ужальде инксонк йонценъ-
разумценъ,
Палотъ инксонк тон пак оцю тол
маркс,
Мезе арьсекшнеть тон эста,
сембось эряфс тиф!
Тонь заветтненъ коряс, тонне
арьсефити
Сталин вятмязь минь, павазти.
Орелхненъ эзда орелонъ лефкст
шачихть,
Лийкснихть конатне вишке
соколнякс.
Океатне фка-фкянь мархта
кровнай братт,
Сталин Ленинти, ащи кровнай
брадкс
И тевс коря, и мяльс коря,
тевонъ тиамас коря,
Лиамаса, вишке соколонъ
просторс коря.
Мольхтяма минь Сталинтть
мархта, кода Ленинонь,
Корхтатама Сталинтть мархта,
кода Ленинонь,
Содасыне сембе арьсеф
мяленьконъ,
Эряй инксонк, колганк заботай,
Сон минь инксонк палы валда
шикс.
Минцонк ломатъ, аш родфтомот
тани,
Кажнайтъ ули тяда—родинац,
Аш удават сиротат, солдаткат аш,
И батраконъ ризфу эряф аш,
Паксясонк аяш нярьхкамаст,
марошт.
Кели валдоня киньке инголенк,
Павазс, радости сон минь
вятьсамазь.
И минь вятьсамазь тя янга
видеста
Инъ кельговикс большевистский
партиясь.
Валда павазти тя киньке минь
Аф срафтови равжа варманди,
Аф вельхтяви буран шуварт,
Крхка лянйиге аф шудеви.
Равжа дучати аф кяшеви.

Йотафтозе Г. Пьянзин.

А. Малькин

КАТЕРИНА

Кельгса, кельгса
Катеринать,
Мазы од стирнять,
Велень славнайть,
Катеринать,
Якстерь шека прятъ.
Ронгоц мазы
И куратнай,
Парьхциса сон шаф;
Стирнясь мазы,
Стирнясь знатнай
Таза и шумбра.

Лиси, лиси
Катеринась
Кшима тя илять.
Эста палан,
Катеринать,
Мазы од стирнять.
Кизонъ перьф
Сон пакся лангсолъ,
Лац работась сон,
Катеринать
Кельгса сякса,
Седи вакса мон!..

ОД ЛОМАНЕНЬ СИДЕ МОРОНЯТ

Морак, морак тон, гармошка,
Морак сиденята,
Кшти катк инголет Тимошка,
Мельганза сонь Наста.

Сотан прязон фата,
Шаян сарафан,
Илять стирхненъ мархта
Кшима мон лисань.

Танянь парганат кудрянза,
Сельмонянза лаймарьхть,
Фалу пеедихть трванза,

Тевнянза ударнайхть.

Морак „украинский полькать“,
Кельгома гитара.
Мес аф кштимс ни, мес аф
морамс,

Кда эряфсь пара.

Айда куду, стирнят, цьорат,
Ковнясь няфни палеветъ.
Эряфонъке панжи, морай,—
Сталин ялгати привети!

И. Девин

БАТТА, АТЯЙ

Ватта атай,
Сире атай ватта,
Келемсь вельксот
Менелень просторсь.
Эр ши касы
Павазу странаце,
Конанъ морай
Сталинский од морсь.
Тячи ванцак
Москуть панжи садонц,
Ванцак тячи
Странатъ козишинц.
Васедят тон
Тага творецъ мархта—
Сталинть... Валда
Большевистский кись!
Выставкаса
Цебарь тевценъ инкса,
Мес колхозса
Ударникат тон
„Шумбрат!“ мярьги
Тейт учительсь Сталин,
И люпштасы
Кельгозь кядценъ сон.
Гордай ванфса
Ванат павильоттненъ,
Ванат сембонъ,
Кремлятьке звезданц.
Атась ванондсь
Чуднай ошкять эса,
Пейдизь лятфнесь
Эсь уноконяц.
Меле тусь сон
Панжи саттненъ эзга,
Сире седись
Радостть эзда кштитсь.
И лучт йорась
Павильоттненъ эзга
Эжди псиса
Сталинский од шись!

1939 к.

В. Волков

ОД ВОИТТ

Ару сьоксе,
Тейт мон таза радан,
Сиянь ведьса
Вирьхненъ, саттненъ штатъ...
Кода моря,
Од ломанень радостсь
Мастортъ эзга
Шерьхкома срьхкась.
Молихть сядот,
Тождатъ якстерь воитт,
Молихть од
Советский богатырьхть.
Аф кирдсазь
Синь пантт, аф лянхть, аф
доетт,

Лацост синь
Аф содай сембе мирсь.
Эздост соколхт
Лисихть, дучань кярыхть,
Моданъ шерьфти,
Сталень вий танкистт
И морякт
Фка штормада аф пелихть,
Вишке нармотть—
Герой кавалеристт.

М. Капков.

Сьоксень илядь

Тяшттне цифтордсть менельть эса,
Налхкихть, юмсихть, чьопафнихть
Галош прьян келуназе
Ризназь алу комафни.
Сиянь валдса кельме ковнясь
Нача ульцать валдопни.
Гармониять коряс морнясь
Илядть сетьмонц лазонды.
Коста марят морай атай
Пайгокс горай вайгяленц.
Коста—велеть тона песта
Моронъ эхатъ зойняманц.

1939 к.

Безобразниксь и сонь покровителенза

Сире Потьма велень „16 парт-с'езд“ колхозть ули аф калдыав общественной садоц, но сонь ванфтоманц колга колхознай правлениясь и сонь председателец Польновсь йофси аф заботяйхть.

Ульсть аф кржа случайхть, мзярда Мирошкин М. Ф. колхозниксь садста кярсесь лама марлю и вишнякс, но колхозть беспечнай

руководителенза тяфтама безобразникть каршес аф примосихть кодамовок мерат.

Колхозникне надияйхть, што Рыбинский райзось безобразникнень и синь покровительснон мархта примаь эрявикс мерат инь куроконь пингста.

Ч. И.

Рыбинский район.

Шава корхнемат

Кичатова велень „Якстерь партизан“ колхозть руководителенза (председательсь Осипов ялгась) тундань видема кампаниять колга мольтихть нефтема корхнемат, а тевса синь тя важнейшай мероприятия эзда ашихть пяк ичкозе.

Колхозть уликс вельхозмашинанза и инвентарсь йоряфт коза повсь, синь эздост мезевонк нинге

ашель ремонтца. Тяфта жа видьмонь съороське кирневи апак триеровандак.

Эряви азомс, што колхозонь правлениять и сонь председателенц Осиповть бюрократический отношенияна гразяйхть тундань видемати анокламать сяземанц мархта.

Ф. Лобанов.

Темниковский район.

Цебярьгафтомс жувататненъ мельге якамать

Пяк калдыавста жувататненъ мельге якяхть Сире Сомай велень „Якстерь знамя“ колхозса (председательсь Шавензовсь). Тяддены кизотъ колхозсь эсь пингстонза жувататненди ашезь анокла сатомшка корма и лямбе помещеният. Сембода калдыав состоянияс ашихть алашатне. Вашу алашатне ашихть марса иляды алашатненъ мархта, симневихть ляй лангса кельме ведьта, конань сюнеда лама алашат каязь вашеснон. Тяфтама жа состоянияс ашихть траксне, тувотне, учатневок.

Но и аф тяда цебяръ тевсь жу-

вататненъ мархта „16 парт с'езд“ колхозсовок (Зайцянь велень совет), коса председателъкс работай-Польновсь. Жуватань карттне апак отремонтировандак, апак тикт кормушкат, кормась кайсевичу жувататненъ инголи ловть лангс. Карттненъ эса аяш вальмянят, вармась уфай карттненъ потмос лов.

Куроконостъ пингтъ „Якстерь знамя“ и „16 парт с'езд“ колхозонь руководителенди эряви кяръ-модемс тя тевть цебяръгофтоманцты.

Н. Поляков.

Рыбинский район.

Жувататне ашихть цебяръ состоянияс

Ежка велеса „Валда ян“ колхозсь пяк заботендай жуватанъ поголовиять касфтоманц инкса. Колхозонь председателъсь Козеев

ялгась жувататненди тифтсь лямбе помещеният, штоба ванфтомс якшамть эзда касы молоднякть.

П. Трemasкин.

Рвачненъ ланга тийф удар

„Колхозненъ общественной модаснон разбазариваниять эзда ванфтомаса мератненъ колга“ ВКП(б)-нь ЦК-ть и СССР-нь СНК-ть постановленияснон неуклоннаста пашкодемац няфтезе, што койкона колхозникне колхознай общественной модать салсекшьезь

эсь рвачский, дезорганизаторский цельснон инкса.


Тяфта, например, Н. Ямской велень „Красная звезда“ колхозса салаф модать размероц ульсь 44 гектар, лиякс мярьгомс колхозса 310 колхознай хозяйствать эзда 259 хозяйствать приусадебнай участкасна оцюфтольхть. Например Об'ездиов К. И. Абаев И. колхозникненъ ульсь 0,52—0,61 гектаронь размерса лишнай приусадебнай модасна, а Корнев Т. С. единоличникть—0,43 гектаронь размерса.

Р а й о н ц а приусадебнай участкатненъ м е р а м а с а акттненъ эзда н я е в и, што колхозникненъ и единоличникненъ кядьса ульсь 527 гектар размерса лишнай мода. Колхознай секторть эзга с-х. уставонь нарушительда сембоц лифтьф 4336, единоличнай секторть эзга—911 хозяйства.

Выявленай модать эзда 483,9 гектарсь керф колхознай, обобществленай массивти и 43,32 гектархне колхозникненъ приусадебнай фондснон пашкодемс.

Юдаев.

Пурдошанский район.



Белофинцы: кие аф йорай минь мархтонк потамс, может илядомс...

Фото-клишесъ ТАСС-ть.

2-це № английский военной планцъ

Англо-французский империалисттне йорайхть тапарямс эсь военной авантюразост нейтральной государстватненъ. Тянь колга, Англиянь и Франциянь правящай крукненъ недовольствазост, болтандась английский морской министрсь Черчилль эсь речьсонза, конанц азондозе сон радио вельде январь 20-це шистонза.

Черчилль нервничендась. Сон грозясь нейтральной странатненди азомок, што военной бурясь пачкотькшни югу и северу. Но тянь мархта сон лихтезень северса и югса военной театратненъ созданияснон колга эсь правительстванц планонзон. Сон йорась эвфтемс аф оцю странатненъ, азомок, што „германский армиясь пяк оцю, а германский воздушный флотсь нинге сяда оцю, и што армияц и флотоц Англиянь и Франциянь вийхненъ коряс сяда оцю“. Но французский правительствась, съормады иностраннай печатсь, азсь недовольства Черчилльть тяфтама откровенностенцты. Франциянь правящай крукне пелихть, што английский морской министрть признанияц Англиять и Франциять военной мощнон аф сатомшкаснон колга тии действия меклангт, илякс мярьгомс аф эвфтьсьмне, а аерфтсьмне нейтральной странатненъ англо-французский блоктъ мархта союзть эзда.

Черчилльть речьсонза ульсь шарьхкотф фкя: союзникненъ военной планца Западной фронтса кирдихть крах.

„Дейче альгеймейне цейтунг“ германский газетась съормады, што английский первоначальной военной планцъ эзда мезевонк ашезь иляда Западной границаса успехфтома ламос машнефтемда

башка. „Сяс мес Германиять и Советский Союзть йоткс аш кода тиемс клин, съормады газетась,—то союзникне йорайхть шарфтомс нейтральной странатненъ войнанди од театракс. Тянь эса аши омбоце № английский военной планцъ смыслац“.

Однако, эряви азомс, што 2-це № планцъ авторонза калдыавста шарьхкодсаяз нейтральной странатненъ эса кели массатненъ сембе сяда касыкс сопротивленияснон империалисттненъ попыткаснон каршес таргамс войнас ня странатненъ.

Нят шитненъ пингста Берум норвежский ошса ульсь строительнай рабочайнь профсоюзонь четтненъ собраниясна. Резолюцияса, конац примаф собранияса норвежский рабочайхне заявляють: „Минь вештяма, штоба норвежский правительствась ванфтолезе эсь нейтралитетонц. Сон должен решительнаста лоткафтомс всякой попыткактненъ войнас Норвегиять таргаманц колга“. Эряви лоткафтомс норвежский печатсьса злостнай вымыслатненъ Финляндияса военной действиятненъ колга.

Аф сяда аф показательнай Осло и Акера норвежский кафта ошненъ безработнайснон союзснон примаф резолюциясна: „Реакционной крукне,—корхтави резолюцияса,—иватькшнихть оборонать колга, минь интересоньконь колга“, „минь благаньконь колга“, „минь свободаньконь колга“, и ст. тов. Но ули оцю разница народть свободанц и капиталть свободанц йоткса, конац жертвует сядот тьожань крон маннергеймовский бандатненди.

(ТАСС).

АМЕРИКАНСКИ ОД ЛОМАТТНЕ НИЩЕТАТЬ ПОТМОСОТ

Стака и калдыав эряфсь американский од ломаттненди. Тя пилес вачодонь, работань получамаса, образованиянь получамаса надеждафтома эряф. Нищетась и тя нищетать последствиянза сяшкава оцюфт, што США-нь правительствась вынужден ульсь тердемс специальнай конференция сян инкса, штоба тонадомс США-са иттненъ и од ломаттненъ положенияснон. Конференцияса примастъ участия странать 47 штатонзон эзда 500 представитель. Синь йотксост—врач, педагогт, социальная кизефксненъ коряс экспертт и ст. тов. Конференцияса ульсь доклад, конань аноклазь 150 эксперт. Тя докладсь ульсь пашккс мрачней, потрясающей цифрада: 25 кизоти модемс возрастса 4

миллион од американецень аш работасна. Иттненъ пцтай колмодекс пялькссна, конат эряйхть ошненъ эса, беднай семьянь иттть, конат катфт пилес вачеда эрямати. Фермеронь 8 миллиотт идь зависят общественной благотворительностть эзда, илякс мярьгомс правительствать и козятненъ эзда жалкай подачкаттненъ эзда. Школьной возрастса миллионшка идень синь родителъснон беднай шиснон сюнеда аш возможностьсна якамс школав. Миллиотт идь лишенайхть эрявикс медицинский лезксть эзда.

Тяфта эряйхть мирса сембода козя странань од ломаттне.

(ТАСС).

Ответ. редакторъ Н. ТИШКИН.



Белофинский вирьгазть и Женевский попугайт дуэтсна. ТАСС-ть фото-клишец.